


柳田文庫
文庫11
D 268
1



文庫11
D 268
/

元經薛氏傳序

元經始晉惠帝終陳亾凡三百年蓋
聞夫子曰春秋一國之書也以天下
有國而王室不尊乎故約諸侯以尊
王政以明天命之未改元經天下之
書也以無定國而帝位不明乎徵天

柳田泉文庫

010190558687

命以正帝位以明神器之有歸又曰
春秣抗王而尊魯其以周之所存乎
元經抗帝以尊中國其以天命之所
歸乎然帝衰於太熙故元經管此振
起之也中國盛乎皇始故元經挈名
以正其實嗚呼天下無賞罰三百載

聖人在下則追書褒貶以代其賞罰
斯周公典禮使後王常存而行焉仲
尼筆削使後儒常職而述焉收受經
於夫子何足以究其潭奧輒爲傳解
發明師訓之一二云唐河東薛收撰

元經薛氏傳卷一

隋 王通經 薛收傳阮逸註



經晉太熙元年春帝正月

武帝太康十一年惠帝即位改太熙元年又改永熙

夏四月立太后楊氏賈氏為皇后五月辛未葬武皇

帝丙子太傅駿輔政秋八月壬午立廣陵王適為皇

太子以何劭王戎楊濟為師傅冬十月石鑿為太尉

隴西王泰為司空屯兵四出

傳曰經者正也常也天以南北為正聖人以典禮為常皆謂之經者天人相與為法也

經取天之正為本聖人以

法常為 晉者司馬氏始封之國也帝自晉王受魏禪

故國號晉司馬宣王河內溫人 太熙年號也帝謂

惠帝也文中子曰帝之不帝久矣秦兼三皇五帝而傳非其道也

尊虛名而已 摯名索實此不可去春秋書王所以尊周也元經書

帝所以正 改元立號非古也古者國君始即位則稱元年無改元之禮

自漢有初元中元之號 其於彼必自作之乎後漢

後世因之此亦不去 故書年號帝稱名沿漢舊制也經書晉者本中

蓋取古 元皇帝司馬氏太康十一年

四月崩是月惠帝立經書帝而不書即位微旨也

曷謂微旨曰春秋之法隱莊閔僖皆有故不書即

位之禮或讓而不為公羊傳曰隱公讓桓之意 或痛而不忍梁

曰先君不以道終 或亂而不成禮左氏曰閔公不書即位亂故也

或出而闕書或踰年而追書左氏曰僖公不稱即位出故也昭公薨於

外定公踰年追行即位之禮史亦追書也 晉惠不書即位與魯諸侯異

焉曷異爾曰春秋者因諸侯之史作焉故公即位

皆稟命於王有所不書則禮有所不至也元經因

天子之史作焉帝即位皆受命於天有所不書則

天有所不與乎故仲淹亦不與其即位也不與柰

何曰惠帝君不君政出多門天下由茲大亂雖嗣

位猶無位乎故不書即位元經之微旨也

言元經因惠帝

不君所以作也

楊氏者何曰武帝元楊后之妹謂

之悼楊后無子元楊后生惠帝早亡惠帝即位尊

悼后為皇太后書曰立太后楊氏禮也

先書立太后言天子

必有后尊也後云楊氏言推恩及親也

賈氏克女初武帝將娶衛瓘

女而楊氏欲娶賈氏女遂以為太子妃武帝憂太

子不慧試以疑事使決之賈氏令給事張泓具草

使太子寫荅武帝悅至是政由賈氏天下亂矣書

曰賈氏為皇后猶言賈氏自為之也

不言立非真帝立之也

武皇帝四月崩五月葬譏速也周制天子七月而

葬同軌畢至言天下會葬有不至則禮不備凡未

及期而葬謂之不懷過期而不葬謂之緩春秋皆

譏之

元經禮典本春秋

太傅駿孰謂曰楊駿也胡不書姓

曰貶也曷貶爾曰駿為太傅受先帝遺詔輔政百

官總已不能效伊霍之忠稔成賈后之惡晉室禍

階實自駿始故去姓以罰其罪惡之深也書太傅

責官重也

元經貶惡其義權衡輕重各有所存是以有書名而去姓者有書姓名而去官

者前後別例各不同傳釋之詳矣

廣陵王適惠帝子也立為皇子

正也何劭為太子師王戎為太子輔楊濟為太子

保同書之謹其職也裴楷和嶠張華衛瓘皆為保傅不書省文石鑒為

太尉隴西王司馬泰為司空書三公得其人也鑒

字林伯太康末拜司空武帝晏駕楊駿疑汝南王

亮白太后詔鑒率固陵兵討之鑒獨不然遣人視

亮別道歸許昌駿疑乃止時論稱鑒不以權臣誣

害宗室正也司馬泰字子舒遷太尉錄尚書事雖

為宰輔服膳如布衣任真簡率每朝會不識者不

知是王公事親恭謹居喪哀感為宗室儀表當時

以節制見稱餘王莫能比同書者王公得賢也元經

凡書姓名及稱官者皆無貶元經始事也下文書薨蓋終其善也有不書薨者則有譏焉屯兵

四出何曰楊駿輔政慮他變乃遣石崇胡奕趙俊

趙歡將屯兵四出以示威也不書遣不由帝也戎

兵國之大事書兵而不書人不稱詔遣者政由臣

下出也兵出無名此義微而顯

《經》太熙二年春帝正月乙酉改元永平又改元康自

熙改永熙共一年耳太熙二年又改元康一三月中

書令和嶠卒辛卯賈氏殺楊駿夷三族壬辰賈氏廢

皇太后壬寅汝南王亮為太宰夏五月甲戌毘陵王

軌薨無傳按元楊后生悼王軌字正則惠帝同母弟也壬午賜天下孝悌高

年鰥寡力田者帛六月賈后殺汝南王亮及太保衛

瓘乙酉曲赦洛陽秋七月置江州冬十二月辛酉京

師地震秦王東薨無傳按秦獻王東字弘度惠帝同母弟也傷駿舅氏誅滅乃述武帝

遺寺乞歸藩至汝南王亮楚王璋被誅時稱東有先識

傳曰武帝崩未踰年而改元非禮也君子謂違春

秋未踰年不書即位之義故書太熙二年正月失

也和嶠字長輿世為魏大臣襲爵上蔡伯以平吳

功轉侍中見太子不慧因侍坐曰皇太子恐不了

陛下家事苟顛苟勗皆稱太子明識嶠曰聖質如

初爾武帝不悅然知其言忠後惠帝立賈后使帝

問嶠曰不了家事今定云何嶠曰臣事先帝曾有

斯言言之不效國之福也至是卒世稱其先見書

官以卒善其終也官未至三公不書薨賈氏殺楊駿賈氏不

稱皇后駿不稱官兩貶之也曷謂兩貶曰駿以后

黨權傾天下早不能圖賈后而賈后與黃門董猛

連兵討駿駿逃于馬廐以戟殺之楊氏夷三族不稱官與無官同也不稱后不與其為后也賈氏廢皇太后何曰悼后駿女也駿既誅及矯詔廢悼后為庶人徙金墉城稱賈氏不與其為后元經之權也汝南王亮為太宰言自為也附賈后將取禍也為六月賈后復殺亮張本漢制賜孝悌力田等帛且曰孝悌吏民之師也力田生民之本也高年鰥寡者亦調恤之皆古道也書之存舊典也非賈后事也賈后殺汝南王亮及其太保衛瓘春秋之法大臣相殺死凡

稱名所以示殺者之罪若王子糾殺毛伯召伯是也苟死者無罪則書名氏若晉殺其大夫陽處父是也今稱賈氏罪殺者之惡也衛瓘稱官傷忠臣也曲赦非古也賈氏使楚王瑋殺亮及瓘又歸罪於瑋而殺之故曲赦洛陽懼瑋黨有變焉殺楚王瑋不書云瑋附賈七月后害骨肉大不足取也分揚州荊州十郡為江州記始置也史舊文記其始置無褒貶京兆地震案本志謂楚王瑋殺汝南王及太保此陰道盛陽道微之應也劉向曰地震金木水火土沴也伯陽甫云天地之氣不過其序若過序則氣亂也陽伏而不能出陰迫而不能升於是有地震

經元康二年春帝正月

太熙二年即元康元年也故此為二年

二月巳

酉賈庶人弑太后於金墉城夏四月秋八月壬子大赦逆黨冬十一月沛國雨雹傷麥

傳曰正月雖無事必書首月春秋之法也賈庶人孰謂曰賈后也曷謂先稱庶人曰賈后既誅楊駿宣言太后同逆廢于金墉城絕膳而崩經書曰庶人殺太后貶大惡也是時未廢為庶人先貶之者不與其稱后也春秋之法凡殺君稱君名者君無過稱臣名者臣之罪也賈氏以婦殺姑以邪賊正

也太后賈之姑也故書弑

傳言惠帝不慧致弑其母其惡同

大赦

逆黨者何賈后懼國人討賊故赦以安逆黨之心春秋莊公經書肆大靑然後葬文姜蓋文姜預弑桓之惡仲尼謂子道不可畧母葬故特書肆大靑然後葬文姜子道掩親之惡也賈氏則不然自赦其黨託名渙汗君子不與其赦也故特書曰大赦逆黨本史云壬子大赦仲淹特書逆黨雨雹傷麥紀災異也春秋公子遂專任而經書雨雹按董仲舒曰紀雹者皆謂有脅行專政者也經元康三年春帝正月天西北裂夏四月雨雹深三

尺冬十月大原王泓薨作互市皇太子納妃王氏祕書監華嶠卒

傳曰天裂者何本志謂陽不足也人主昏督妃后專政之應也榮陽弘農皆雨雹深三尺非常雹也異孰甚焉本志謂惠帝無陽為陰所蔽之罰也春秋魯桓夫人同其應矣左傳曰大雨雹書災也曷謂互市曰公卿賄賂交通更相薦託有如市易焉作者言惠帝自作之爾譏惠帝暗太子適納王夷甫女為妃凡帝子婚曰納帝女嫁曰降納者獻乎上降者適乎下

華嶠者武帝碩臣也太康末帝晏樂屬疾嶠諫曰收功於微忽事乃無悔慮福於垂成祚乃日新手詔答曰朕自消息無慮也惠帝立遷祕書監博聞多識有良史之稱卒諡曰簡嶠字叔駿以後漢紀繁乃徧觀祕籍起光武終獻帝一百九十五年為紀十二卷皇后紀二卷十典十卷列傳七十卷嶠謂皇后陞天作合前史作外戚傳非也故易為皇后紀又改十志為典取典墳之義明堂辟雍置都水脩丞官行於世書官貴之也

經元康四年春帝正月丁酉太尉石鑒薨夏五月匈奴攻上黨六月壽春地震民死秋八月匈奴以計內

附上谷上庸竝地陷帝問蛙鳴無傳按本史華林園蛙鳴帝問曰為官乎

為私乎其愚九月甲午枉矢竟天冬十月

傳曰太尉石鑒薨書官善其終也按本史鑒年八十薨諡曰元子

薨封縣侯匈奴者何曰郝散散曰自漢魏已來世為中

國患魏武帝能制御羣胡為五部左部居太原茲

氏右部居邠南部居蒲干北部居新興中部居

太陵至晉武帝時塞外匈奴二萬餘歸附使居河

西宜陽太始七年單于猛叛太始晉武初受命年號帝討平

之厥後稍叛復害長史時御史大夫郭欽上疏曰

請募敢死及罪人徙三河控四夷出人之防明先

王荒服之制帝不納太康中匈奴十九種內附各

分部落居之有屠各種者得為單于有王號者十

六等曰左右賢王太子為之餘四姓曰呼延氏卜

氏蘭氏喬氏呼延號日逐世為輔相其國民則有

纂母氏勒氏者多反叛至是匈奴郝散叛寇上黨

殺長史又寇上郡郝散弟曰度元又率羗胡攻破

上郡自此匈奴漸盛而中原危矣經書匈奴不名

者言其多雜也稱攻不書寇者言鳴鐘鼓而來無

所憚也

傳言不用郭欽計

壽春地震民有死者言災甚也

按本史是歲京師及郡國皆地震

秋八月匈奴郝散帥眾降馮翊

都尉殺之書曰以計內附者何曰匈奴本不附蓋

偽降欲為鈔掠既為都尉所殺而郝散之弟度

音鐸

元收合餘眾復起邊患

傳謂六年改元攻馮翊起度元歐陽逢張本

書

曰以計言多詐不可以信結也可以兵制而已

軍制

凡無故而請和者詐也

地陷者山崩震裂而陷蓋陽伏而不能

出陰迫而不能升也春秋僖十四年沙鹿崩卜

偃以謂暮年將有大咎幾亡國今上谷上庸竝陷

裂水泉湧出人有死者天戒若曰陰不陰斯譴罰

之漸乎

陰不陰則地有災異

枉矢曷謂曰星如流矢也星經

云枉矢所觸天下所伐也甲午枉矢竟天自西南

流東北坤不利東北其賈后之亂乎

地為后之象

經元康五年春帝正月

書首

夏四月有彗孛於奎軒

轅秋九月鴈門大風傷稼冬十月武庫火十二月調

兵器司隸傅咸卒有石生京師

無傳

傳曰彗者如帚彗也孛如芒散貌也本志謂奎為

庫兵軒轅為后宮賈后將廢之兆

凡經書星變者紀異以戒人修

德也其間或有應驗亦有不應者天道遠也 大風由鴈門風自北來也

胡戎來窺中國失道猶夏之象也洪範云霧常風

若霧蒙也武庫火累代之寶皆焚謂孔子履漢祖劍之類時藏在武庫

皆焚也春秋凡天火曰災人火曰火武庫火者有盜

焚之爾不獲盜焉調兵器者丙戌新作武庫大調

兵器曷謂不書新作武庫曰譏失政也何謂失政

夫武備中國大政也周禮大司馬掌邦之政以詰禁刑亂故也盜焚之

不能討賊雖新作無所益也故書兵器而不書

作武庫言中國武備弛矣終有羣胡亂華之禍傳咸者司隸

玄之子也剛簡峻整有父風出為冀州刺史繼

杜氏不肯隨咸自表解冀州乃遷司徒左長史便

親也楊駿輔政咸言於駿曰天下聽於冢宰大懼天

光有蔽人心或異今若此而明公處之未為易也

時司隸苟愷有兄喪自表赴哀詔未報而愷私造

楊駿而行咸奏曰詔未下而行宜加顯貶駿甚憚

之遷御史中丞致書汝南王亮曰楊駿見誅孟觀

李肇封數千戶侯自古封賞無若此者今後莫不

樂國有禍其可極乎不納亮果如後為司隸奏僕

射王戎備位公輔兼掌選舉不能疑庶績但開張
奔競不能康正請免戎官吳郡顧榮聞之曰傅長
虞為司隸勁直忠果所可貴也書司隸卒重世卿
也春秋貴重世卿亦如此

〔經〕元康六年春下邳王晃薨三月彭城有流血三百
餘步夏四月大風五月匈奴攻北地殺太守秋七月
氏賊僭稱帝冬十一月命周處討氏賊關中饑大疫
傳曰下邳王晃宣帝弟孚之子也孝友貞廉有宗
室之望惠帝即位晃領護軍屯東掖又誅楊駿有

功作司空薨于位既而張華代之不書張華華備
位而巳不繼賢王故不書代為八年台星折以明三公不才張本彭

城呂縣流血三百餘步本志謂視之不明火不炎
上則有赤青赤祥又彭城下邳獻王所治之國也
入為司空既而遽殞彭城失望之象也流血傷痛也四

月大風言天下皆然也故不書地不書郡國所在先志謂
巽為風為木其卦在三月四月繼陽而治今四月
大風常多且暴陽失其治也劉向亦云然匈奴殺大守

者何曰郝散之弟度元攻北地太守張塤戰死之

匈奴不名衆也太守不名氏微也曷謂微則不書
曰郡守失其才爲匈奴所殺故微之氏賊者孰謂
曰秦雍氏羗齊萬年也先是雍州刺史解意爲匈
奴度元所破於是氏羗帥齊萬年叛僭稱帝圍涇
陽萬年不書名言賊不足名也曷謂不書圍涇陽
曰罪莫大乎僭號也既大惡餘惡無所書可也周
處者爲建威將軍詔討齊萬年稟梁王彤節制書
人不書官者何曰元經之法人名重官任輕則書
人以明人賢任卑也書官不書人者不賢也有書

人則因舊史常制無所輕重矣元經權衡義例差
別臨文示意在乎官不必備惟得賢而已或人稱
職官稱任則官與人皆書之或官濫於庸人賢失
於所任則書人不書官不書官意有重有
輕以譏失道焉耳周處賢將也受制於梁王彤進
止不得專智勇不得用故君子重其人不書官言
官輕也謂周處終爲梁王彤所制張本關中饑疫責凶荒不卹也
梁王彤爲征西大將軍都督雍梁二州鎮關中民
饑不能貸民疫不能卹彤之罪也故書關中饑疫

以責都督之罪由彤也

梁王彤永康二年薨博士議諡曰彤為宰輔責深任

重愍懷之廢不聞一言諫正汝南之難不能因勢輔議趙王倫篡逆不能引身去位昔宋有蕩氏之亂華元自謂不能居官吾罪大矣靈彤不貶何以施法按諡法不勤成名曰靈春秋譏華元樂舉謂之不臣乃諡曰靈彤罪如此

經元康七年春帝正月癸丑梁王彤陷王師殺周處

夏五月魯國雨雹

無傳

秋七月雍梁隕霜殺稼丁丑司徒王渾薨冬十月

徒王渾薨冬十月

傳曰陷王師殺周處何滿曰去年遣周處討齊萬年至是戰于六陌梁王彤與處有隙促令進軍絕

其後不救遂為賊所敗初萬年間處來謂賊衆曰

吾聞斯人才兼文武若專斷而來不可當也受制

於人則成擒爾既而賊屯梁山有衆七萬彤促處

領兵五千擊之于六陌自旦至暮斬賊萬計救兵

不至處按劍曰吾盡忠竭節之秋也遂力戰歿書

曰陷王師以彤不忠於國也又書殺周處以彤私

隙害賢人故書彤陷殺之爾

傳言晉哀由賊賢為始

隕霜殺

秋稼關中米斛萬錢骨肉相賣災甚也春秋書隕

霜不殺草尚謂天反時為災而况秋霜殺稼災可

知矣王渾執謂曰渾字玄冲魏司空昶之子平吳
 有大功江東士人悅附之楚王瑋將害汝南王亮
 先請渾同乘渾閉閣拒之後瑋伏誅渾乃出凡國
 政典故多渾所定書官以薨貴之也渾先知晉室
 亂乃謂賢王
宜留居京師遂上書帝不納又上言舊制三
 朝元會問計吏以訪郡國政化時以為便王戎
 代渾為司徒不書貶戎不足以繼渾之賢也故不
 書

經元康八年春帝正月丙辰地震詔發倉廩賑關中

三月壬戌大赦夏五月郊禘石破為二秋九月劉

廢賈后不克冬十月

傳曰地震書日者日官謹天戒也春秋文公九年

九月癸酉地震公羊傳曰震者地動也言文公制

於公子遂齊晉失道四方叛德也穀梁傳曰地不

震者也地以不震動
 為坤靜之德震則謹而日之象大臣強盛

動而為變焉謂賈后強盛將廢太子適
 之象也坤臣道也妻道也詔賑關中

書詔者得其詔也傳言民饑不賑
 則詔不詔矣壬戌大赦者日

梁王彤專政殺周處氏羗未平故肆赦因以自有

為明年彤錄尚書
 事入輔賈后張本郊禘者何曰求世嗣之神也在

郊故曰郊禘

或曰高禘

本志謂禘之壇石中裂破為二

木沴金之象也壇石神位自毀者愍懷太子不利

之兆

謂明年賈后廢太子適之兆

劉卞者孰謂曰愍懷太子衛

率也卞潛知賈后欲廢太子乃告司空張華曰東

宮俊彥如林四率精兵萬數公居阿衡廢賈后以

安晉祚可乎華不能故書曰劉卞廢賈后褒忠於

晉祚也不克者貶華不能行也春秋以一字褒貶

須數字以成文元經大義於是深矣

經

元康九年春帝正月將軍孟觀伐氐大破之獲賊

萬年梁王彤錄尚書事河間王顥出鎮關中成都王

穎出鎮鄴夏四月鄴賊張承基伏誅六月戊戌高密

王泰薨秋八月尚書裴頌為僕射冬十一月甲子朔

日有食之十二月壬戌賈庶人殺太子及其母謝太

后

傳曰孟觀者為積弩將軍時齊萬年眾號數十萬

觀領宿衛兵并統軍中士卒大戰十數皆破之生

擒萬年獻捷京師書將軍言官得人也萬年不書

姓志在族滅逆黨也梁王彤錄尚書阿賈后也

阿順

賈后謀廢太子河間王顥者安平王孚之孫先朝之制非

親王不得都督關中顥於諸王最疎然特以賢舉

也書出者內出外為文賈后忌顥賢示以重鎮其

實出之耳成都王穎武帝第十六子於帝最親先

是賈謐賈充孫也與皇太子博奕爭道穎旁觀厲聲曰

國之儲君賈謐安得無禮謐懼言於賈后乃以穎

出鎮鄴書出者懼之也二王同書出其情各異一以賢一以

懼皆書出蓋君子不欲其出也鄴賊張承基等妖

言署置逆黨數十人郡縣分捕之書伏誅喜平賊

也高密王泰而隴西王也改封高密宣帝弟廕之

子也謐曰文獻尚書裴頠字逸民司空秀之子書

曰僕射以人稱官也冬十一月甲子朔日蝕本志

謂十一月日蝕十二月廢太子為庶人之應也自

武帝太始二年七月丙午至七年十月丁丑八年

十月辛未九年四月戊辰七月丁酉十年正月乙

未三月癸亥凡八年八月蝕又咸寧太熙凡十一

年復八日蝕至此甲子及明年正月乙卯皆蝕天

意若曰晉室衰亂由武帝始違忠臣之言惑賈后

元經 卷一
之勢遂及淪胥天譴既頻終不警悟經書甲子曰
蝕舉其首以戒其終也賈庶人殺太子者何曰豎
庶人以彰殺太子之罪也本史稱元康九年廢太
子幽于金墉城明年改元永康害太子于許昌今
先一年因廢而書殺者言賈后志在乎殺也謝淑
妃惠帝才人生愍懷太子適先為賈后幽于金墉
尋殺之故書曰及其母謝太后然妃書謝太后何
曰儲君既立春秋之義母以子貴謝妃無罪見殺
元經因推而進之也故書曰太后也賈氏承惠帝

昏愚賊害皇嗣元經固抑而降之也各正以法且

矯晉之失焉

按春秋隱三年君氏卒左傳曰擊子
也不赴于諸侯不附于姑故不稱薨
不稱夫人故不書姓而曰君氏言國君之母雖不
薨不姓而特書曰君氏言君之母氏尊稱也亦仲
尼追書云耳今謝妃之卒仲淹先書庶人之
惡後正太母之無過春秋大義於是明矣

經 永康元年春帝正月己卯日有蝕之夏四月晉誅

賈庶人及其黨甲午趙王倫自為相國五月己巳立

皇孫暉為皇太孫六月葬愍懷太子秋七月冬十月

黃霧四塞甲子立羊氏為皇后

傳曰趙王倫廢賈后為庶人尋殺之曷謂稱晉殺

為文曰倫雖矯制而晉有天下當稱晉殺之明天

下共誅惡也

按春秋僖七年鄭殺其大夫申侯公羊傳云稱國以殺也杜預曰專利而不厭故稱名以殺罪之也凡罪稱國以殺而又名

之若楚殺其大夫宜申宋殺其世子座莒殺其公子意恢之類是也今誅賈氏

不名而稱庶人示深貶之也其黨數十人孰謂曰

司空張華僕射裴頌皆大臣不能扶危濟亂反死

於不義故蔑而不書猶微人耳曷同微人曰倫誅

賈氏使張林收華及頌將刑謂張林曰欲害忠臣

邪林詰之曰卿為宰相任天下事太子之廢不能

死節何也華曰非不諫也林曰諫君不從何不去

位華不能荅遂與頌皆夷三族以小辯虧大節屈

於張林故曰同微人耳春秋元經皆不齒也趙王

倫者宣帝弟九子傷太子無罪見廢乃與嬖人孫

秀同殿中郎士猗等矯詔敕三部司馬人華林迎

帝遂廢賈后乃矯詔自為相國書曰自為者貶也

惠君不君倫臣不臣故先貶之

謂明年倫篡帝位張本

太孫

臧愍懷之子也母王氏稱太妃趙王倫自為太孫

傳雖倫立之不貶者臧當立也

其實趙王倫假太孫之名而立之非

詔立也時書立而名之猶言惠帝詔立

葬愍懷太子太子名遹初賈

后令太醫程璩合巴豆丸使黃門孫慮與太子服之而死賈后表請以王禮葬之經書太子不書王先稱其謚追而正之也

葬顯平陵謚曰愍懷

黃霧四塞本志

謂金木水火沴土沴時則有黃青黃祥洪範視聽言貌皆以思為主心不思則其咎為昏霧四塞焉

羊氏者何玄之女也既誅賈后故以立羊氏焉

本按

史羊氏名獻容晉二後沒於劉曜生三子而卒偽謚文獻皇后

經

永康元年春帝正月乙丑倫篡帝位以帝為太上

皇太孫為濮陽王癸酉倫弒皇太孫三月齊王冏卒

兵討倫夏四月乘輿反正改元永寧立尚為皇太孫

六月戊辰大赦秋八月校尉羅尚討西羌破之巴

下邳王韓薨

無傳

冬十月流人李特盜據蜀十二月司

空何劭薨

傳曰倫篡帝位故去族也殺太孫臧稱弒者倫罪

與弒君同也

天下儲君殺之與弒同

二月齊王冏倡義兵成

都王穎河間王顥常山王又豫州刺史李毅兗州

刺史王彥新野公歆皆應之逐倫歸第誅之書曰

討倫詔殺君之

與反正者初倫遷帝于金

墉坂永昌 至是

羣臣乃迎乘輿復歸正

殿故曰反正

文也

立尚者何愍懷第三子也長曰

彰補聞

永寧元年薨追封南陽王次日臧即太孫

也為倫所害謚曰哀次即尚也初封襄陽王帝既

反正乃立尚為皇太孫正也六月戊辰大赦詔云

逆臣孫秀奉趙王倫饗據天位鎮東大將軍齊王

冏征北大將軍成都王穎征西大將軍河澗王顥

首建大策匡濟國難迎朕幽宮旋軫聞闔豈余一

人獨享其慶宗廟社稷實有賴焉於是大赦慶苟

安也羅尚者誰曰羅憲兄之子也太康末於西戎

校尉蕘者戎之種有不順則校尉當討焉破之嘉

其功也流人李特自齊萬年之亂關中饑民流移

漢中特在內依益州刺史趙厥因襲厥遂據成都

時羣盜皆起有君焉不書反而書盜言盜多也

按載

記五涼四燕三秦二趙夏蜀凡十六國皆乘晉亂各盜一方故云多

何劭者曾之子

也少與武帝同年有總角之好惠帝以劭為太子

師遷至僕射趙王倫專政以劭為太宰厥後三王

交爭劭知晉室不可救游於三王之間無怨者晦

迹自足不貪權勢有奏議文章多行於世書官薨
無所譏也

三王爭權各總兵柄劭雖為太宰虛名耳故不罪之也

經太安元年春帝正月庚子譙王隨薨三月癸卯皇
太孫尚疾薨夏四月彗星晝見五月梁王彤薨劉寔
為太傅立清河王暉為太子秋七月冬十二月河間
王顥及諸王殺齊王問改元太安長沙王又為太尉
傳曰譙王隨者宣帝弟之孫也父遜封於譙謚曰
剛王襲封譙書薨常制也太孫尚薨曷謂書疾
他不書疾尚幼天而亡故書疾以明非殺害也晉室

陵夷宗室屠戮自愍懷之禍及其子滅皆非天年
獨尚雖非殺害天以疾薨實傷之也彗星晝見占
云主兵劉向五紀曰春秋有彗孛於東北傳言記
異也甘氏謂彗孛所當國受其殃蓋諸王相禍之
應也梁王彤為侍郎中大宰領司徒書王爵不書
官何也曰貶也曷謂貶曰倫之篡位以彤為阿衡
不能討賊迎復其君故君子不與其為太宰也書
王爵猶言沒於藩邸耳

諸王非大逆死即劉寔者

何曰字子真以孝廉計吏累遷至太傅實終身儉

素晉之名臣也書太傅以人稱官也太子覃者武帝子清河王暹之子暹生四子覃爲長齊王冏表曰東宮曠然冢嗣無繼必建儲副以固洪基昔漢成無繼嗣由定陶孝和之緒安以紹興此先王令典也清河王覃先帝衆孫之中今爲嫡長宜奉宗廟之重以寧四海羣公卿士咸同大願乃立爲皇太子書正也諸王殺齊王冏何謂曰冏獻王攸之子討趙王倫有大功率兵入洛頓軍豫章置甲士數十萬置掾屬四十大築第館廷舞八佾淮寵

親昵海內失望寮屬孫惠者諫曰天下有五難四不可明公皆已居之矣捐宗廟之主忽千乘之重而躬擐甲冑一難也奮三百之卒決全勝之策二難也捨殿堂之尊同將士之勞三難也任神武之略無疑慮之懼四難也外幽居復皇祚五難也然而大名不可久荷大功不可久任大權不可久執大威不可久居此四不可也自承熙以來十有載公族值篡奪之禍骨肉罹梟夷之刑羣公被囚檻之困妃主有離絕之哀今明公建不世之大功

宜倣桓文之烈追滅札之風高拱管丘之藩則善矣罔不納有軍校李舍之者奔于河間王顥游說圖罔顥乃上表曰春秋之義君親無將也罔擁強兵恐爲不軌檄諸王共討罔殺之幽其子三王於金墉城

罔三子昔封王太

盛故諸侯共攻之

書顥名而書諸王名者譏王族自相滅舉顥爲首也諸王不名王衆多也猶春秋稱人者衆之義

經

太安二年春帝正月三日刺史宋岱斬蜀賊李特

夏四月李雄復盜益州五月義陽蠻僭號殺新野王

歆六月詔刺史劉弘討蠻張昌王師敗績陷江南諸郡秋八月校尉劉弘斬張昌賊平顥穎戕長沙王又乙丑帝出三里橋冬十月

傳曰宋岱爲荊州刺史討李特斬之傳首京師夏四月特子雄又據益州故書曰復盜也義陽蠻張昌少爲平氏縣吏當李特寇蜀也昌潛遁聚黨數千人會壬午詔發江左武勇赴益士停留五日二千石免官於是郡縣驅逐因屯聚爲盜昌先於安陸起攻郡守新野王歆討昌爲其所敗故書曰殺

新野王歆不書王師言歆便宜擊賊不意賊盛而死也歆宣帝之孫爲政嚴刻蠻夷竝怨及昌作亂歆爲賊所害于樊城是時賊殺南陽太守劉彬武陵太守賈隆零陵太守孔紘豫章太守閻濟武昌太守劉根皆不書者舉歆帝族爲首也南蠻校尉詔討昌戰于方城書王師敗績挫國威也陷江南諸郡謂武陵零陵豫章武昌等郡也八月斬張昌於清水書賊平言諸蠻皆平也劉弘遣其司馬陶侃與昌苦戰累日昌竄于下雋山至是擒之傳首

京師諸蠻皆平嘉告功也凡諸侯有四夷之功則獻捷于王王親受之晉衰不復古禮但傳首京師亦足嘉焉顓頊不貶去族也顓太原王瓌之子頊武帝第十六子舉兵討長沙王又爲名其實謀篡逆也初顓之討罔也檄以又爲內主謂又弱欲得內助又圖廢惠帝立成都王頊也旣而又輒勝罔顓乃潛使刺客圖又不果詔又詎之自八月至十月又致書與頊曰吾與卿及于十人同產皇室受封外都今卿與太尉顓共起大衆百萬軍圍宮城

羣臣同憤卽命將死者萬計酷痛無罪卿所遣陸
機已送款國家想來者之前行一尺卻行一丈不
願來矣卿宜還鎮以寧四海宗廟無羞子孫之福
也穎答書曰若能從太尉之命斬皇甫商等首投

戈退讓自求多福澤思進退也

右將軍皇甫商掌禁兵

東海

王越貳於又潛與殿中將收又送金墉城又上表
曰陛下委臣朝政小心忠孝神明所鑒諸王承詔
率衆見責收臣幽宮臣不惜軀命但念大晉衰微
耳殿中左右以又功垂成而敗謀出之帝不省聞

使張方裂殺之三軍無不垂涕經書戕者言殘賊
忠臣也春秋之義凡自內虐其君曰弑自外而殺
曰戕今顓穎罪亞於弑君戕殺忠良故去族而名
之書戕以貶大惡也乙丑帝出三里橋避顓兵所
逼也顓使張方逼京師帝使皇甫商拒戰王師敗
績甲申帝軍于芒山丁亥至偃師辛卯舍于豆田
癸巳旋於城東丙申進軍緱氏十月帝還宮經書
曰出言奔避無所幸也天子無出之文惠帝自三
里橋爲賊兵屢逼芒山偃師緱氏暨還宮崎嶇在

外猶如春秋國君出奔之難故書出蓋傷之甚

經永興元年帝正月丙午尚書令樂廣薨詔雍州劉

沱及秦州皇甫重討顥攻長安不克顥自為丞相二

月顥矯詔廢皇后羊氏降太子單為清河王三月廣

陵陳敏討賊石水斬之楊徐二州平顥立顥為皇太

弟六月新作三城門秋七月丙申衛將軍陳胗以詔

討顥戊戌復皇后及皇太子己亥帝北征顥敗績于

蕩陰帝幸鄴八月匈奴劉淵盜起離石王浚攻顥于

鄴帝還洛陽十月顥將張方劫帝幸長安十二月丁

亥廢皇太弟顥立豫章王熾為太弟

傳曰樂廣執謂曰成都王顥之妻父也長沙王又

以此問廣廣對曰豈以三兒易一女哉

廣三子曰凱肇謨一

女適成

都于顥又猶疑之廣竟以此憂卒代王戎為尚書

令書薨閔廣賢以憂死也帝為顥所逼密詔劉沈

皇甫重討顥攻長安為顥所敗書不克譏沈重不

武也顥以兵五萬屯十二門殿中素所忌者皆殺

之以三部兵代宿衛自為丞相此將為篡逆先自

進位也顥矯詔廢皇后即羊玄之女也元康元年

后至是顓矯詔廢欲速賜死司隸校尉劉暉

上表諫得免太子覃大安元年立至是顓矯詔黜

為王經書降不書黜覃無過不與其黜也

本史書黜也

陳敏為廣陵度支石冰者賊張昌之別將也昌既

敗冰入楊徐為寇敏與壽春都督劉準同力擊破

之乘勝北討徐州賊封雲皆斬之書曰楊徐二州

平加敏功也

按本史陳敏因此功遷廣陵相後盜江東華譚以書與甘卓殺敏江東遂

平顓立穎為皇太弟者何顓專政惠帝不能制故

書曰顓立之也新作三城門非帝意也顓穎陰圖

神器擅此興作豈止不時而已

傳言春秋新作前門新延廡皆書不

時元經所書謂非帝意所譏皆同也

右衛將軍陳軫稱詔百寮討成

都王穎因大赦復皇后及皇太子已亥奉帝北征

至安陽穎遣其將石超拒戰矢及乘輿帝頰中三

矢時王戎東海王越高密王簡平昌公模吳王晏

豫章王熾襄陽王範及蕩陰六王之軍皆潰故曰

六軍敗績也帝為石超所脅往鄴見穎穎迎于道

左帝下與涕泣穎改元為建武不書不與其改元

也匈奴劉淵字元海反于離石自號大單于經書

盜言僭竊之漸也

僭稱前趙也

安北將軍王浚尚書沉

之子也趙王倫篡位三公起義浚時都督幽州有不平之色乃率鮮卑務勿塵合胡晉兵萬人討頴與石超戰于平戟超敗克鄴帝奔還洛陽浚不書官貶也曰浚本心不軌託名討頴其實爲亂華之首雖有一時之功不能追終身之惡功小惡大故也張方者河間王頴之將也以三千陽燧青蓋車逼帝之長安帝馳避後園竹方脅帝升車頴步騎三萬迎于灊上頴去族而張去姓何也曰頴首惡也張方微也貶大惡則餘系焉丁亥詔曰成都

穎政績虧損四海失望宜還第今以豫章王熾爲

皇太弟此詔由頴出也故不書詔

經永興二年春正月甲午朔帝在長安夏六月甲子王戎卒秋七月甲午尚書諸曹火冬十二月范陽王虓及東海王越舉兵迎帝

傳曰甲午書朔者何春秋之法魯秉周禮晦朔朝正告廟蓋國君所以頒王之典禮尊祖之廟貌以示常制也故魯公在楚必書于經左傳曰王正月

公在楚釋不朝正於廟也昭公三十年三十一年
 皆書公在乾侯傳曰言不能內外也仲尼之意本
 欲書公所在雖奔外亦吾君也不可易歲更朔而
 不書君行幸之地惠帝為顛所脅雖曆數在躬朔
 之禮廢矣故曰帝在長安猶書朔也王戎

少與阮籍輩為竹林之遊惠帝以戎

浮沉無謇諤之節尋拜司徒性好利

天下目之為膏肓之疾帝西遷也

官而卒者貶也尚書諸曹火延及

陽王虓者何康王綏之子東海

王越

惠帝西遷虓與東平王楹上

言曰自

建成都王穎為姦邪所誤

論王之身不可深責於是虓先率眾謀自許昌屯

于滎陽推東海王越為盟主乘虛而進穎據洛遣

張方劉弘竝不能禦虓拔滎陽斬石超襲許昌破

劉喬

超喬皆穎將也

穎於是出奔書曰迎帝加之也

謂明年帝

遠洛張本

經

光熙元年春帝正月戊子朔帝在長安日有蝕之

元紀 卷一
甲子東海王越迎帝三月劉栢根反平之夏五月范陽地燃壬辰越遣將擊顓頊於長安日光四散如血六月丙辰朔至自長安改元光熙盜取太廟靈衣八月越錄尚書事九月劉輿誅司馬頴十一月庚子帝崩

傳曰戊子朔先書帝在長安後書日蝕者先典禮而後災異也

舊典帝所行在必書

東海王越遣劉宏奉帝乘

牛車行宮籍草公卿跋涉書曰迎帝帝未至之文也劉栢根者何東萊人也反襲臨淄高密王簡奔

聊城王浚遣將討栢平之五月范陽郡地燃可以爨本志謂火失其性視不明之罰也壬辰祁弘所部鮮卑大掠長安殺二萬餘人日光如血蓋天人

之否極此矣丙辰書帝至自長安必告廟禮也春秋桓二年書公至自唐傳例謂公行告于宗廟反行飲至舍爵策勲焉惠帝自長安歸升舊殿哀感流涕謁太廟雖亂離不成飲至舍爵之禮然君子喜其志思欲成其禮焉太廟吏賈苞盜太廟靈衣書盜不書名微也天下皆巨盜竊弄故廟吏微不

足名越錄尚書事不書王云族何也曰前者王迎
 帝于長安以書王嘉之也此不書王云族者貶越
 將復篡逆也聖人之於善惡不求備於一人雖惡
 者有善必褒雖善者有惡必貶故前書王後去族
 臨事加法春秋之大權也如春秋暈帥師以暈專命去公子之族以貶之也至桓二年復書公子翬如齊逆女蓋其事別也不以其弑君而終身貶之如春秋輕重臨事制權皆倣此也劉輿者范陽王虓之長史也先是頓丘太守
 馮嵩執穎送于鄴幽之劉輿恐為後患偽稱詔賜
 死書曰誅言穎有罪宜乎誅也不稱詔而書劉輿

貶輿專殺非君命也曷謂不書王而稱姓者曰穎
 自立為皇太弟有無君之心蕩陰之役劫帝之鄴
 至是既為范陽所幽為輿所殺猶眾人爾非帝族
 也故曰司馬穎按古氏族後世頗異焉左傳衆仲而命之氏諸侯以字為氏因以為族官有世功則有官族邑亦如之杜預曰天子則有官族姓若禹賜姓如其氏曰夏是也諸侯卑不得賜姓則以字為氏因以為族或因邑皆稟於時君所命也漢魏而來則不然或邑或世稱皆謂之姓通謂之氏若范氏之祖在虞為陶唐氏在夏為御龍氏在商為豕韋氏周為杜氏晉為范氏是也今司馬氏即姓也宗室襲封之王即曰王族也去姓者舊史常文則無褒貶若去王族即筆削有善惡也穎書姓猶百姓庚午帝崩于顯陽殿

不書葬不得其終也曷謂不得其終曰惠帝自即位政由后黨權臣當國天下荒百姓饑死帝曰何不食肉糜其蒙蔽率皆此類及崩因食餅中毒或曰司馬越之鴆斯不得其終故不書葬按春秋書葬斯貴之也不書葬則賤之也天子之葬於禮尤重故魯會天子之葬則仲尼必書不書葬則不書若莊二年書葬威王則是會葬也僖八年惠王崩不書葬是魯不會葬也然則會不會葬者禮壞可知矣今惠帝崩不得其終非唯禮不備抑亦昏蒙不君自可貶矣

元經卷一終

元經薛氏傳卷二

經晉懷帝永嘉元年春帝正月帝即位改元永嘉立

王氏為皇太后梁氏為皇后南陽王模誅司馬顥隰

美為司徒王衍為司空無傳詔除三族刑二月東萊王

彌賊起三月將軍周馥討陳敏平之庚午立豫章王

詮為皇太子劉淵陷并州五月汲桑陷鄴城殺新蔡

王騰洛陽地陷有二鸞出秋七月琅邪王睿鎮建鄴

冬十一月戊申朔日有食之十二月汲桑賊平越矯

詔囚清河王覃殺之

傳曰懷帝諱熾字豐度武帝第二十五子也惠帝崩帝以太弟入踐祚於光熙元年十二月即位明年改元永嘉始書即位謹始也

元經取元年正月書即位皆端本正

始之王氏懷帝母也諱媛姬早卒追尊為皇太后

梁氏本王妃也至是立為皇后正也南陽王模誅顯者何曰顯自立逼惠帝遷長安將謀篡奪擅廢太子覃與成都王穎相表裏及為東軍所敗走南山復守長安南陽王模遣其將梁臣車上扼殺之書曰誅正其罪也削王書姓絕其親也除三族刑

古之道也唐虞典刑罰不及嗣末世慘酷遂有夷

族之說今除此刑雖衰世未能治平亦帝者之心

書為後法可也

帝因諸葛攻周穆下此詔

東萊人王彌者魏玄

菟太守頌之孫也因劉侑佞賊起于青徐卒亂天

下書曰賊起言晉禍自此盛也陳敏廬江人自廣

陵度支破石冰有功為廣陵相惠帝西遷敏據江

東及周馥討之會稽郡悉平故曰平之太子詮新

都王遐之子覃之弟也初襲封豫章王至是立為

皇嗣正也

詮後奔苟晞沒于石勒

劉淵入并州劉琨獨貶晉

陽諸郡皆陷於淵書并州陷則諸郡可知汲桑者
馬牧帥也寇魏郡陷鄴城遂殺新蔡王騰騰者高
密王泰子也迎惠帝歸洛陽以功封新蔡汲桑賊
攻鄴騰不能守而輕騎出走爲賊所害罪不能守
也洛陽步廣地陷有二鶩出蒼者冲天白者不能
飛說者謂二鶩晉封爲二之象也蒼冲天應琅邪
王興晉也白者不能飛應西晉卒不振也七月琅
邪王睿鎮建鄴特書于經明晉祚猶長也諸王出
鎮無足稱者多不書故也九月戊申荀晞破汲桑

至十二月并州人斬桑于樂陵書平者喜賊平也
東海王越將謀篡逆今年因清河王單於金墉城
明年害之不書王貶矯詔也

經永嘉二年春帝正月丙午朔日有食之無傳一月石

勒寇常山五月王彌犯洛陽司徒王衍禦之冬十月
劉淵僭號漢十一月尚書令高光薨

傳曰石勒上黨羯人也初居武鄉山草木有鐵騎
象永安初并州刺史司馬騰虜羣胡賣於冀州兩
胡連一枷勒在其中與汲桑同起歸劉淵後亦僭

號稱趙寇常山書始為亂也王彌自寇來山入許
昌開府庫取器仗有衆數萬進逼洛陽京師大震
城門晝閉詔司徒帥百官拒守彌屯軍七里澗王
師進擊大破之彌奔劉淵書曰禦之不能擒賊也
劉淵字元海永興元年反於離石至是僭稱漢下
令曰昔我高祖神武應期文帝以文德升明武帝
拓土攘夷宣帝搜揚俊乂今天誘其衷悔禍皇漢
使司馬氏迭相殘滅孤為羣公所推紹脩祖業不
失舊物追尊劉禪為孝懷皇帝書淵僭號載記偽

主淵為首也

按惠帝永興元年劉淵起稱漢後九年石勒稱趙後十一年張重華稱涼

後一年冉閔稱魏後一年慕容雋稱燕後三十一年慕容垂稱後燕後二年慕容冲稱燕是歲乞伏國仁稱秦呂光稱涼後十二年慕容德稱南燕秃髮烏孤稱南涼後二年李元盛稱西涼後二年沮渠蒙遜又自稱涼後四年譙宋稱成都王後三年赫連勃勃稱大夏後二年馮跋稱北燕其戰國者一百三十六歲凡十六國而元海為僭首高光者孰謂魏太尉柔之子
惠帝西遷朝臣奔散惟光侍帝及帝還洛以光為少傅轉尚書令以疾卒書官而薨嘉忠臣也

經永嘉三年春帝正月甲午彭城王釋薨三月戊申高密王畧薨丁巳越入京師於帝側收中書令繆播

害之四月丁卯太尉劉寔退老積弩將軍叛奔於劉淵七月戊辰當陽地裂三所九月南陽王模破芒蕩斗叟竝平之

傳曰彭城王釋穆王權之孫也襲封彭城高密王畧文獻王泰之子小心下士有父風愍懷初立選子弟有名稱者爲賓友畧侍太子左右累遷開府襲封高密書薨禮也東海王越害繆播何也播字宣則光祿悅之子初越遣播詣長安說河間王顥令奉帝還洛顥將張方言於顥不可播復說顥斬

方以謝東諸侯及帝卽位以播爲中書令掌詔命越惡播盡忠於國慮爲已患因入朝以兵執播於帝側帝謂曰亂臣賊子無世無之不自我先不自我後哀哉起執播手歔歔不能禁越害之朝野憤惋皆曰善人國之紀也而越殺之其能終乎越不書王貶專殺忠臣也

按本史越勒兵入宮於帝側收近臣繆播王延等十人竝害餘不書于經省文也劉寔漢之喬也好學博通潔已無瑕

以世多進趨廉遜道缺乃著崇讓論以矯之其畧曰夫叙用之官得通章表者有讓賢推能乃通之

其不能有所讓絕之故人臣初除各思推賢能而

讓之矣凡讓之文付主者掌之三司有闕則以三

司所讓最多者用之是三公共選一公為詳焉四

征有闕則以四征所讓最多者用之是一征闕而

四征豫讓之詳焉按魏晉故事置征東征西征南
征北征四將軍各一員分掌重

晉多以親
王居之尚書闕以尚書所讓最多者與之以八

尚書共選一尚書固詳於主者選八尚書也郡守

闕則以郡守所讓最多者用之固詳於主者選百

郡守也故世爭則毀譽交錯優劣不分難得而讓

也世讓則賢智顯出能否之美歷歷相次不可得

而亂也如此愚智咸知進身求通非脩己則無由

焉愍懷立以寔為師太安初寔遜位至懷帝即位

復授以太尉寔自陳年老固辭帝不許左丞劉坦

上言曰古之哲王莫不師元臣崇養老禮七十致

仕所以優異舊德以勵廉高之風太尉寔體清素

之操執不渝之潔懸車告老二十餘年聞老者

不以筋力為禮寔年九十命在旦暮而頻上露板

宜聽寔所守至是詔曰君年耆告老確然難違今

聽君以侯就第書曰退老尊之也王衍代寔為太尉不書非其繼也

王衍為石勒所敗勸勒稱尊號勒怒曰君名蓋四海身居三公何得言不與世事耶破壞天下正是君為使左右扶出夜使人排墻填殺之傳言非其繼意以此耳

朱誕為積弩將軍叛歸劉淵不貶去姓氏微也且

言晉臣之陷于淵者眾不可勝貶也當陽地裂三

所各廣三丈長二百餘步本志謂地拆裂者臣下

分離不相從之象也言司馬越與荀晞交惡四方

離散之應也平陽人劉芒蕩自稱漢後誘羗戎僭

帝號於馬蘭山反胡五斗叟郝索等數千人為亂

征西大將軍南陽王模遣將淳于定討破皆斬之

書曰竝平之善竝曰吉也

經永嘉四年春帝正月二月蜀文碩歸順三月周玘

討錢璿平之五月六州大蝗地震六月劉聰弒劉和

自立秋九月王如賊起冬十一月越帥師出許昌將

軍周馥迎帝都壽陽不克

傳曰文碩者蜀李雄之將也殺雄大將軍李國以

巴西歸書曰歸順嘉之也五月幽并司冀秦雍大

蝗食草木及牛馬死皆盡交州地震本志謂石勒

元紀 卷二
寇汲郡執太守胡寵南濟沔是其應也偽漢劉淵
死其子和嗣位和多猜忌御下無恩其舅呼延攸

和殺其弟聰聰覺攻西明 斬和遂自立書弒

者言和雖偽號亦諸劉之君也聰殺和而篡其位

宜貶大惡王如者新豐人也遇亂流離至宛會詔

促還鄉乃結少年襲官軍破襄城於是南安龐寔

馮翊嚴凝長安侯脫各帥羣盜應之凡數萬人結

石勒為兄弟書賊起言群盜盛起不復制矣 按王如後

歸王敦為敦所誅 辛卯晝昏至庚子凡浹旬本志謂夜妖

也劉向云晝而暝陰為陽也臣制君也班固曰夜

妖者風雲竝起杳冥與常風同狀天戒若曰勿使

大夫世官專政而暝晦王室蓋東海王越以京師

饑羽檄徵天下兵莫有至者率眾出許昌以行臺

自隨宮府無復守衛荒饉日甚殿內死人交橫府

署竝掘塹自守盜賊公行枹鼓之音不絕越以太

尉王衍為軍司越自領豫州牧書出者猶言出奔

叛其君也故貶去族周顧字祖宣浚弟也理識清

幹選舉精密累遷至鎮東將軍以東海王越不盡

臣節每言及厲然又覩羣盜甚盛洛陽孤危乃建
策迎天子遷都壽春上書曰不圖厄運遂至於此
戎狹交侵畿內厄逼臣與祖納裴憲華譚孫惠等
三十人伏思大計以殷王有屢遷之事周室有岐
山之徙方今帝都罄乏不可久居觀今華夷東南
為愈北阻塗山南抗靈嶽名川四帶有重險之固
楚人東遷遂宅壽春臣請選精卒三萬奉迎皇駕
令裴憲督豫州諸路荆楊江湘十五萬斛絹
十四萬疋以供大駕令王浚荀晞共

力以啟南路皇輿來巡司馬越大怒慮其圖已也
以兵攻馥馥憂疾而卒書曰不克惜其謀合事機
而為越所沮其後晉果東遷焉按本傳元帝後問
華譚曰周祖宣何
至于反耶譚對曰馥見賊盜滋蔓王威不振故表
移都以紓國難若從馥謀西晉未亡也原情豈得
為反帝
乃悟

經永嘉五年春帝正月密詔荀晞討越乙亥流人杜
弢盜據長沙庚午平原王幹薨二月汝南王祐奔建
鄴三月戊午越卒宗室三十六王没于石勒流人汝
班及蹇撫賊起于零桂諸郡帝遷都倉垣不克夏六

元紀 卷二 九
月庚寅荀藩出奔轅轅丁酉劉曜王彌石勒入京師
帝蒙塵於南陽荀晞立豫章王璠爲皇太子秋七月
浚假立太子置百官八月劉聰陷長安南陽王模薨
九月荀晞及豫章王沒于石勒十一月猗盧寇太原
傳曰帝密詔征東大將軍荀晞討東海王越先是
晞移檄諸征鎮曰天步艱險亂禍流離元海造逆
於汾陽世龍階亂於三魏晞以虛薄委以關東所
以藩固王室無俾城壞夫舟楫不固則齊桓責楚
襄王逼狄則晉文致討凡我同盟在此行矣及詔

討越上表曰越以宗臣寵樹姦黨擅爲詔令縱兵
寇掠臣祗奉前詔遣王模陳午等兵詣項恭行天
討書曰討越聲其罪也流人杜弢本蜀郡人避亂
南湘中賊衆推弢爲牧故書曰盜據長沙平原王
幹者宣帝之子也惠帝反正以幹爲太保當齊王
冏之平幹懷百錢見冏曰倫逆亂義舉是汝之功
今以百錢賀汝雖然大勢難居不可不慎及弢誅
幹哭之慟曰宗室日衰此兒最可人復害之自今
殆矣東海王越往視幹幹閉門不通使人謝遣而

自於門隙窺之當時莫能測其意者年八十書薨
得禮也汝南王祐者亮之孫也祐立爲威王遇中
原亂南渡江依元帝書奔以明內難也越卒者何
東海王薨于項也曷謂薨于項而書卒曰罪盈而
死天下不與其爲王也越初卒祕不發喪遺命襄
陽王範統其衆歸東海會石勒追及于甯平焚越
尸柩曰此人亂天下吾爲天下報之焚其骨以告
天地經書卒罪宜誅爾三十六王者何曰越旣死
其子毗自京邑同宗室子弟出奔遇石勒自武陵
西河而下皆被害餘王陷于勒書三十六王言宗
室盡沒矣沙班蹇撫二賊起湘州虜其刺史荀眺
破零桂東畧武昌殺安城太守郭察邵陵太守鄭
融衡陽內史滕育書曰諸郡言賊勢大也荀晞表
請帝遷都倉垣帝將從之宮中及黃門戀貲財不
欲出至是饑甚人相食百官皆流亾十八九帝召
近臣將行無車輿步出西掖門至銅駝街爲盜所
掠不得進而還書曰不克計窮無爲矣荀藩者勗
之子也時爲司空聞劉曜等犯京邑藩先出奔轅

轅不書司空貶也身為三公不能安帝室掃羣盜而先自亾去非社稷臣也帝蒙塵于平陽者何曰劉聰僭據平陽及劉曜入京師帝聞華林園開欲幸長安為劉曜所追及百官士庶死者三萬餘人執帝送歸平陽劉聰以帝為會稽公古者天子蒙塵于外國史哀之辭不忍書其囚執豫章王端者清河王暹之子也兄詮為皇太子以端封豫章會洛陽陷沒端東奔荀晞立為皇太子按本史端立七十日沒于勒王浚者司空沈之子也領幽冀都督假立皇太

子其實為妄將謀僭號故削去其姓貶偽假也

按本

傳浚為石勒所執責之曰不忠於晉積粟五十萬不貶百姓

南陽王模者高密

王泰之子也有聲稱於宗室進位太尉洛陽陷降於劉粲為聰所害書薨終之以王禮也荀晞及豫章王浚于石勒者先自豫章王東奔荀晞承制錄尚書事居蒙城勒執晞殺之及端亦遇害端與晞同書沒傷端為晞所禍也猗盧者執謂曰匈奴種也其先曰神元分國為三部一曰昭帝神元統一部居上谷之北濡源二曰桓帝居代北參合陂三

元經 卷二
日穆帝猗盧居定襄北盛樂城其後猗盧強盛總攝三部至是攻新興鴈門劉琨不能制自稱三部大人蓋後魏拓跋之先書寇太原言夷狄深入中國也

經 永嘉六年春帝正月帝在平陽二月壬子日有蝕之癸丑琅邪王睿檄四方討勒夏四月丙寅將軍山簡卒秋七月木火金聚牛斗九月詔猗盧爲代公辛巳雍州刺史賈疋敗劉粲長安人立秦王鄴爲皇太子

傳曰帝在平陽王業已淪也然曆數猶存故元經書年以永嘉書春以帝正月書劉聰僞邑爲平陽存其主而抑僞號也

劉聰改元嘉平代西晉楚號漢也

壬子日蝕

本志謂秦王鄴於長安代帝監撫宗廟而帝蒙塵不能反正之象也琅邪王卽元帝也因洛之亂渡建鄴荀藩等推王爲盟主乃移檄四方共討石勒不書姓以真主討僞亂必貶僞以成文也山簡者何曰吏部濤之子爲征南將軍鎮襄陽江漢歸附或宴會僚佐勸簡作樂簡曰社稷傾覆不能康正

晉之罪人也何樂之有因流涕慷慨未幾卒書官而卒賢之也歲星熒惑太白聚于斗牛吳分野東晉中興之應也劉琨鎮并州時劉粲寇晉陽又太原太守高喬降於粲於是琨奔長山乞師於猗盧乃表猗盧爲代公賈疋者太尉詡之孫也累遷雍州刺史率兵三萬復長安劉粲聞之使劉曜來戰疋破之曜中流矢追至甘泉書官不書詔命言疋勇畧有復晉之志故特書以褒之秦王鄴者吳王宴之子也秦獻王簡無後以鄴嗣封賈疋旣破粲

曜三輔小安廼與衛將軍劉芬京兆太守梁總共奉爲皇太子書長安人不書官名者言民思晉王關輔厭亂衆欲立皇太子以平寇亂猶春秋書衛人立晉衆也

經永嘉七年春帝正月丁亥聰弒帝崩于平陽夏四月皇太子卽位于長安愍帝建興元年丙午懷帝舉哀壬申大赦改元建興五月壬辰詔琅邪王睿都督陝東南陽王保都督陝西六月石勒陷山東九月荀藩薨冬十月荆湘陶侃討賊杜弼巳巳大雨雹十一

元經 卷二 十四
月流人楊武陷梁州十二月河東地震雨肉

傳曰劉聰大會使帝着青衣行酒侍中庾珉號哭
聰惡之乃弒帝書崩于平陽言非其所也春秋書
魯昭公薨于乾侯傳曰失其所也書聰弒帝者責
在後君必討弒君之賊也太子業卽位于長安不
係於建興元年而係於永嘉七年何也曰春秋八
公卽位於六公之傳遭喪繼位每年正月則改元
正位百官以序國史書卽位於策以表之也杜預
曰天子之喪制嗣子位定改元必須踰年此繼父

之業不忍變於中年若六月癸亥昭公之喪至自
乾侯戊辰定公卽位此則國史直書不須係改元
而後書卽位也漢魏而下則不然旣立年號又復
易之元經依晉史舊文實書月日而已故懷帝正
月崩于平陽四月愍帝改元繼位皆舊史之文是
以元經或因而錄之或改而筆之故曰筆則筆削
則削古之道也五月壬辰詔曰陽九百六之厄雖
盛世猶或遘之况朕幼冲纘承洪緒昔周公分陝
姬氏以隆平王東遷晉鄭是輔二公掃除鯨鯢奉

元經 卷二 十一
迎梓宮克復中興琅邪王先為鎮東大將軍乃進位左丞相都督陝東諸軍事南陽王保者南陽王模之子全有秦州之地隴右氏羗皆從焉乃進位左丞相都督陝西諸軍事各因其所鎮而任之順也六月石勒攻交州害刺史田徽由是山東郡邑皆陷於勒荀藩者司徒勗之子也遷至司空帝為太子時以藩世臣也令攝國政遇亂奔滎陽卒於開封書薨不書官貶其生不貶其死也生無功於君卽不書官以貶也死得令終卽書以全之陶侃為荊州長史元帝見之大

悅遷武昌太守杜弼杜曾賊起攻侃於沔口侃急走入船獲免不書敗嘉侃之節終能平賊不欲其敗也故不書敗已巳大雨雹本志謂盛陽雨水而陰氣脅之轉而為雹劉向曰陰脅陽董仲舒曰臣脅君之應河東雨肉者肉妖也天下之亂河東妖孽尤為甚焉

經建興二年春帝正月己巳黑霧五月辛未日隕于地又三日相承自西而東三月石勒陷幽州殺王浚五月西平公張軌薨六月劉曜寇新豐將軍索綝破

之秋七月劉曜逼京師將軍麴允破之詔北中郎將
劉寅克頓丘

傳曰黑霧着人衣如墨連夜凡五日而止本志謂
時君昏耗之妖也曰隕者日不隕也有妖物象日
之形墜于地爾三日相承者亦妖氣映日而人昧
之有三焉五年正月庚子三日並懸虹蜺彌天皆
此妖也天晴卽無之本志謂元帝渡江劉聰李雄
各據曹劉舊疆三分之應也石勒陷幽州牧王浚
大罵而死不書官貶其逆與賊同耳張軌者少以

儒學顯名未寧中爲涼州刺史化行河右摯虞曰
天下方亂有避難者惟梁土耳執司馬楊胤言曰
東羗韓雅殺秦州刺史張輔明公仗鉞一方宜懲
不恪春秋之義諸侯相滅桓公不能救則桓公耻
之雅聞之降軌大發兵破王彌劉聰有功進位司
空封西平公遣使朝貢歲時不絕朝廷嘉之俄患
風遺令曰文武將佐當盡忠規務安百姓上思報
國下以寧家善相和遜以聽朝旨卒年六十謚曰
武公而薨褒忠勲也索綝者司空靖之子舉秀才

累遷至安西將軍懷帝蒙塵絺糾合義衆破賊黨
立秦王爲主劉曜及趙冉寇新豐絺擊破賊書之
告捷也七月曜冉復逼京城麴允討破之允金城
人與游氏世爲豪族而州語曰麴與游牛羊不數
頭言多也累以戰功遷雍州刺史劉曜趙冉逼長
安允討之殺趙冉書告捷也劉寅克頓丘頓丘石
勒僞署太守邵攀所居也詔北中郎將劉寅往克
之斬邵攀書克得雋曰克杜預云不期而薄之取
勝故以克爲文

按春秋鄭伯克段于鄆左傳曰如二君故曰克此則言凡敵相等勝

之曰
克也

經建興三年春帝正月盜殺晉昌太守趙珮二月猗
盧爲代王四月將軍周訪討杜弢張彥六月發漢二
陵辛巳敕雍州修復陵廟秋七月劉聰寇上黨劉琨
救之王師敗績八月荊州刺史陶侃擊杜弢湘州平
冬十二月涼州張寔進玉璽

傳曰凡稱盜不名者微也趙珮爲晉昌太守遇亂
爲群盜所殺書官憫王臣也春秋之義書盜殺鄭
公子發公孫輒傳云書盜非大夫士庶人微者莫

得獲其名耳

按春秋書盜或無名或時稱名者盜殺衛侯兄擊傳曰齊豹為司寇作不

義經書為盜今元經所書盜殺王臣因舊史成文亦言人微不獲其名

猗盧以未嘉

六年封代公至是益強盛中國失道莫能制四夷

之僭故曰猗盧為代王

為者言自為也

以明西晉莫能制

其僭也周訪者孰謂曰潯陽人也與陶侃結為友

元帝以訪累有戰功遷振武將軍詔征杜弼弼作

桔槔打官船艦訪以長岐槍拒之賊將張彥陷豫

章訪擊之臨陣斬彥書官以旌功也六月發霸陵

杜陵及薄太后陵面如生得金玉不可勝計是時

朝廷草創敕收其餘以實內府不書盜發者何譏

世衰無法又收古陵餘物言非盜獨然由國自收

之矣劉聰寇上黨先是劉琨下有餘潤者琨愛之

護軍令狐盛諫琨令去徐潤潤反譖盛於琨琨殺

之盛子泥奔於劉聰聰以泥為鄉導攻上黨又襲

晉陽劉琨救之為聰所敗識琨之過也

春秋之法有譏有貶

有嘉按劉琨力與夷狄爭戰雖小過不能掩大節故譏之而已

陶侃受元帝節度

以周訪趙誘為前鋒討杜弼破之書湘州平告功

於元帝也曷謂告功於元帝曰自建興初琅邪王

南渡浙江湘稟東晉節制而中原否矣舊史以元

帝未紹位故策書赴告且繫之於西晉耳按元帝未嘉初

始都建鄴江東歸心及愍帝即位進丞相都督中外諸軍事乃分定江東斬叛者孫弼於宣城又分

遣諸將平杜弼於湘州周訪趙誘告功實系東晉張寔者西平公軌之子

也玉璽者寔繼襲梁州有軍士得玉璽其文曰皇

帝璽羣僚稱慶寔曰孤常恨袁本初得玉璽諸君

何復難耶送于京書進者嘉其不虧臣節也按寔聞長

安陷大興臨三日遣將東赴國難及愍帝崩寔年號猶稱建興此臣節不虧之效也

經建興四年春帝正月三月代王猗盧薨夏四月涼

州張安遜遣步騎赴京師五月雷照叛降李雄七月

劉曜攻北地王師不戰而潰八月劉曜逼京師十一

月辛丑帝蒙塵于平陽十二月己未劉琨出奔于段

匹磾

傳曰猗盧雖夷狄事晉封爵于代貢奉不絕生為

王臣死以王禮故書薨張安遜者何曰張寔字安

遜也賊逼京師四方阻絕惟寔遣五將東赴國難

書字者嘉之也猶春秋書邾儀父傳稱者嘉之也

雷照者平夷太守也殺南廣守孟栢以二郡叛降

于蜀李雄不書太守者言非其守也王師不戰而潰者劉曜攻北地麴允麴昌士卒未和故不戰而師衆自散譏將主無法所以潰也八月曜逼長安內外斷絕公卿守小城自固京兆弘農馮翊上洛四郡之兵不敢進京師饑甚人相食死者大半帝膳以麴爲粥而已十一月帝以羊車肉袒銜璧昇觀出降曜以帝爲懷安侯故書蒙塵于平陽不書降諱也春秋爲內諱元經爲中國諱聖人之情一也

按春秋以魯爲內以列國爲外魯有耻事則仲尼微辭以諱之其旨非諱魯公而已也痛周公

典禮在魯君臣不能乘而行故善則書之惡則諱之語云甚矣吾衰也不復夢見周公此其志也元經以中國爲內以四夷爲外晉之喪也羣胡亂華臣主屈辱仲淹蓋傷之不忍書其降曜亦春秋之諱也

十二月劉琨爲石勒所敗乃奔段匹磾者何匹磾東郡鮮卑也懷帝朝以爲右賢王助國征討假節大將軍劉聰逼洛陽琨與匹磾結盟共討石勒勒攻樂平太守韓據棄城走琨不能救乃奔幽州依匹磾從飛狐道入匹磾見之甚相重書曰出奔者言內地皆夷狄所有矣

按劉琨奔匹磾自此河東皆陷于石勒矣

經建興五年春帝正月帝在平陽宋哲奔江南二月

太守李距破賊劉暢三月琅邪王稱晉王改元建武
七月大旱胡蝗冬十一月丙子日有蝕之十二月戊
戌聰弒帝崩于平陽劉聰死

傳曰帝在平陽猶居外也宋哲為鎮東將軍當長
安之晉也與焦嵩竺恢赴國難事不濟南奔元

帝書曰奔江南棄中原也琅邪王自永嘉之亂出
鎮建鄴至是因宋哲奔江南宣愍帝詔曰朕今幽
塞窮城誠恐一旦崩潰卿詣丞相使攝萬機王素
服舉哀乃依魏晉故事稱晉王改元建武元年

按永嘉元

平以後中國士族文物大半奔江南史筆南朝追
書耳今元經但以建興五年盡十二月以全西晉
之終焉其實三月以後即建武之史也七月大旱曷謂胡蝗曰冀書

雍四州皆蝗是時石勒亦浸奪民稼時人語謂之
胡蝗丙子日蝕劉聰弒逆之兆也十二月聰大會
使帝行酒洗爵晉臣在坐者無不失聲泣麴允大
哭乃自殺辛賓抱帝號慟皆為聰所害書聰弒帝
去其姓貶僭逆也于平陽言頓失所當以天子之
禮終焉則聰死何以不去姓所以示貶也及卒則
書姓名以彰其罪也聰弒二君賊害忠臣不可勝

紀君子既貶其生又貶其死以疾惡之甚乎

傷士
薨卒

書于經者
特暴其罪

48-11630

